

Salat im Kielschronk

Om Somsdaachmoie habb ich in de Kapellestrooß de Schorsch getroffen, unn kaum habb ich em Gemoie gesaacht, kimmt aach noch unsern ahle Kumpel Karl dezu. Was hosde dann in deiner Plastikdutt? habb ich de Schorsch gefroocht, unn doo gibder merr zur Antwort: Proschbekte von em neie Kielschronk. Iss doin alde kaputt? wollt ich wisse. De Schorsch schittelt de Kopp: Der alte iss noch gut, awwer mir wolle uns noch ooner kaafe, ferr de Salat und ferrs Gemies unn so.

Doo hott de Karl e bisje dumm geguckt: Ferrs Gemies, warum denn dess? Ei ja, hott de Schorsch gesaacht, wenn nechstjohr de HL hier drauße zu mecht, dann mache merr dess so, dass merr freidaachs uff de Markt gehe unn oikaafe, unn de Koppsalat, die Kummern unn die ...

Artischocke? hab ich en grad so eiern wolle.

Unn er hotts aach gleich gemerkt unn sacht: Schleechtschwetzer! Ja, aach die Artischocke, unn dess gonze Gescherr dun merr dann in de Kielschronk. Moonsde ich wollt jeden zweite Daach nooch Hochem fahrn, um dort Frischzeich oizekaafe? Dess werd merr zu deier. Na, mir kaafe uns en große Kielschronk, die sinn jetz grad billig. Was willsde dann sunnst hier bei uns aach onnerst mache? Doo mussde alls noch froh soi, wennde noch Audo fahrn konnst. Ich derf gar nit droo denke, wenn merr noch e bisje älter wern, nit mehr mettem Rad fahrn unn aach nit mehr so gut laafe könne, doo konnsde als alder Mensch grad verhungern.

No ja, Schorsch, habb ich gesaacht, wer sacht dann, dass de HL hier zumacht? Unn wenn, dann werd doch grad doodeferr dess neie Geschäftszentrum in de Innestadt gebaut.

Unn wie soll ich dann doohie kumme von hier drauße, unn wer soll dess Zeich hoomschleppe? Soll ich mettem Bus fahrn odder mettem Taxi? Was glaabsde was dess kost!

Doo musst ich em joo recht gewwe: Ja Schorsch, dess gibt ferr uns Alte e mords Problem.

Doo moont de Karl: Jetz seid doch emol nit so nervees. Erstens hott de HL hier noch nit zugemacht, unn dann, was glaabder, was hier bassiert?

Ei was dann? hawwe mir zwaa gefroocht.

Guckt eich doch emol um. Wer hott dann schunn fast alle Werthschaffe hier in Flerschem? Na also. Unn so werd dess aach hier kumme. Doo kimmt en Türke odder en Grieche, der bezahlt doch koo Miet, der kaaft gleich e Haus unn macht doodrin e Lebensmittelgeschäft uff. Die schaffe dann mett ihrne gonz Familie, dess rendiert sich, unn uns all hier iss geholfe. Glaabt merr, so werd dess kumme.

Ei, saacht de Schorsch, doo wern merr in e paar Johr joo froh soi, dass merr auslännische Leit hier in Flerschem hawwe unn dass die so e unnehmerisch Risiko oigehe.

Unn ich druff: Weil die noch sinn wie unser Vorfahrn. Die hawwe aach nit immer nooch em Babba Staat odder nach de Mama Stadt gerufe, die hawwe all sesomme geschafft unn ebbes draus gemacht. Unn wenn erst emol die junge Deutsche merke, dass es nit nor Spass gibt uff de Welt, dann werd aach villedicht en Flerschemer Bub mett soiner Fraa so e Geschäft uffmache.

Doo moont de Schorsch: Unn was mach ich dann mett moim neie Kielschronk?

Druff de Karl: Dess, Schorsch, iss doi unnehmerisch Risiko!

Eiern Honnes